



Meland kommune er ein del av Nordhordlandsregionen og nabokommune til Bergen. Kommunen opplever sterk folkevekst og har eit innbyggjartal på ca. 8.000. Det er god kollektivtransport til/frå Bergen med hurtigbåt eller ekspressbuss, og reisetida frå Bergen til kommunesenteret Frekhaug er under 1/2 time.

For å løyse og utvikle alle dei ulike oppgåvene kommune er tillagt treng vi engasjerte og kompetente medarbeidarar - som vil oppleve at arbeidsoppgåvene og bidraget deira er meningsfylt og del av eit viktig samfunnsoppdrag. Meland kommune har ei verdimelessig forankring som kjem til uttrykk gjennom visjonen vår "Eit samfunn for alle".

## Kulturkonsulent - 100% fast stilling

### Stillingsinformasjon

Det er ledig stilling som kulturkonsulent i 100% stilling ved tenestoområde kultur frå 15.11.18. Vi søker deg som er fleksibel, kreativ, nytenkande og serviceinnstilt, og har eit tydeleg fokus på fagleg kompetanse, samarbeid med organisasjonsliv, prosjektarbeid og utvikling. Du likar at det skjer mykje, og er god på å organisere eigne oppgåver og portefølje i ein travel arbeidskvardag.

### Arbeidsplass

Kulturtenesta i Meland driv bibliotek, kulturskule, frivilligsentral, kulturbasert ungdomsarbeid, kulturfagleg rådgjeving og administrativ sakshandsaming. Meland kommune opnar kultur- og ungdomsbygget Meieriet Frekhaug i 2019. Kommunen har ei sterk frivillighet, er rik på lag og organisasjonar og har ein høg del kunstnarar og kulturutøvarar.

Frå 1.1.2020 vert vi del av kulturtenesta i Alver kommune, og alle arbeidstakarar er garantert jobb i den nye kommunen. Alver kommune vil ha nærmare 30 000 innbyggjarar og eit svært rikt kultur- og organisasjonsliv, med spanande utviklingshøve og -behov.

### Arbeidsoppgåver

Sentrale oppgåver for stillinga vil vere

- Arbeid med spelemidlar og utvikling av idrett og friluftsliv
- Planarbeid innan kultur- og idrettsfeltet
- Fagressurs på kultur og idrett inn mot kommunale prosessar
- Styrke og vidareutvikle kulturtenesta i Meland kommune
- Arbeide med utvikling, program og innhald ved Meieriet Frekhaug, kultur- og ungdomsbygg som opnar i 2019, i samarbeid med ungdomskoordinator.
- Kontakt og samarbeid med lag og organisasjonar, vere fagressurs og koordinerande og utviklande kraft overfor kultur- og organisasjonslivet
- Generelt kulturarbeid og sakshandsaming, mellom anna av tilskotsordningar og gjennomføring av faste kulturhendingar

Kvelds- og helgearbeid må påreknast

### Kvalifikasjonskrav

Du må ha høgare utdanning på masternivå innan kulturfag, og/eller idretts- og friluftslivsfag. Anna utdanning på masternivå med relevant praksis kan vurderast.

Du har høg samarbeids- og gjennomføringsevne, er god på kommunikasjon og har god skriftleg og munnleg framstillingsevne. Du trivst med å jobbe sjølvstendig, men er òg glad i å jobbe tett med andre i team. Du kjenner samtidskulturen og strømingar i samfunnet.

Du er oppdatert innan IKT-feltet og sosiale medier, og kan orientere deg raskt i ny programvare og webportalløysingar. Du har kunnskap og erfaring med normal programvare, mellom anna Office. Det er ønskjeleg med grunnleggjande erfaring med Adobeporteføljen og Qgis/Gisline eller liknande.

Du har erfaring med prosjektarbeid, grunnleggjande økonomistyring i prosjekt, og tilskotsordningar. Det er ønskjeleg med kjennskap til kommunalt styringssystem og sakshandsaming, samt spelemidlar.

Det vil verte lagt vekt på kunnskap og erfaring innan kultur- og idrettsfeltet, og personleg eignetheit for stillinga. Administrasjonsspråket i Meland kommune, og framtidige Alver kommune, er nynorsk.

Det er krav om førarkort klasse B.

### Vi tilbyr

Ein utfordrande og spanande jobb, på vegen inn i nye Alver kommune

Hyggelege, kompetente og engasjerte arbeidskollegaar

Høve til å vere med å utvikle kulturtenesta i Meland kommune, og i Alver kommune.

Sjølvstendige arbeidsoppgåver

Løn etter gjeldande tariffavtale

God pensjonsordning

**Søknad skal sendast**

Søknad skal sendast via vårt elektroniske søknadssystem.

Rettkjende kopiar av vitnemål og attestar skal takast med ved eventuelt intervju.

**Generell informasjon**

Godkjend politiattest som ikkje er eldre enn tre månader må framvisast ved tilsetting og seinast før arbeidstakar byrjar i stillinga.

*Søknadsfrist* 16.09.2018

*Utløyst dato* 28.08.2018

*Vårref*

73/18

**Kontaktperson**

Eirik Bouwer Utne, Kultursjef, mobil: 93413089, eirik.utne@meland.kommune.no